

TUHAARARHAQ



NR 09-22 AGM INUIN – Qilamiurutigiyauyuq Tuhaararhaq

Nunavut Tunngavik Katimaqpaquangga Umiqtirutaa

(November 23, 2009 – Iqaluit, Nunavut) Ilauyut Nunavut Tunngavik Katimaqpaquanganni umiqtigtuq katimatjutaata Iqalungni ipakhaani. Hivullitigiyaat ilauyut anggiqatiringmata ikiqlikhugit ilauyukhat aipaaganni katimangmata. NTI Anggiyuqqaanga Paul Kaludjak uqaqtuq nutaamik AGM atuqtakhaat katimaligaigumik piyut nakuuyumik katimariagannik.

“Quviahuqtunga uqarumaplugu iniqtiqtavut havaakhat tikitjutigiplugitlu hivunikhat ikiqlirualuqatillugit ilauyut inihainnakhutiklu,” uqaqtuq Kaludjak, ilitturikuplugulu katimatjut iniqtiqtuq uplumik avatkutjutaani talvami ihumaliuqtaamingni. “Uvvarut ikayuluanggitavut ittutut nunavunmut nunatarnikkut ilauyut ikiqliyaagaptigit ilauyukhat hamani ikpanmi. Nutaq atuqtakhaq pipkainiaqtuq uvaptingnut nakuuyumik kivraqtuiyaaptingni uqautigilugitlu ihariagiyait Inuit uvvarut havaktiaqniagaptigit ihumagiyaayut tahapkunanit aviktukhimaviitni ilauyut.”

NTI kut piinnakhimmaangniaqtut qunggiaqattaqlugit qanuktut havaktakhaitnik aulatjutitkhait katimayitnit Aviktukhimaviitnilu Inuit Katimayiiinggit talvani itilluni Qanitqiangnik Inuinnaqnun ihivriugutaani pihimayuq atulihaaliqtilluni una uqiuk. Ihivriugut piyut imaa aatjiliuqattalimaaittaaginnik titiqqanik nakuuyumiklu kangirhipkailutik havaanggit NTI kut Aviktukhimaviitlu Inuit Katimayiiinggit.

Titiiqqat pitjutihimayut arnanit, Iniknikhanit inuulramiitlu kivraqtuinggit Aviktukhimaviitni Inuit Katimayiiinggitnit nakuuyumiklu pihimayut. Ilauyut qanggiutiyut itkuumayumaplutik inuit ihumagiyaaitnik nakuuqpaqtumiklu havaktaunahuaqlugit.

“Kivraqtuiyut tunihivaqtut nunallaat ihumagiyaaitnik katimatjutiingitni. Uvvarut ikayungnahuaqlugit piyukhayugut piinnaqattaqlutalu taimaatun, qinikhiaqlutalu nakuutqianik piluta ikayuqtauyaaginni inuit ihumagiyaaitnik maniliugutiumayaitniklu ihumagiyaaitnik tuhaapkaiyumayaitnik,” uqaqtuq Kaludjak.

AGM mi ilauyut tuhaqtitauyutlu qunggiaqtitauplutik kivraqtuiyitni aallani katimayiiingitnit, ilaliutigiplugulu Nunavut Hivuliqtina Eva Ariak. Kaludjak uqaqtuq

puiuruqtaurarhaungginmat nunattiami kavamatuqainnilu kavamanganni itkuumayukhaungmatta havaamingni kivraqtuiyungmatta ilaa Inungnun.

“Uvvarut havakhimaaqatigiyakhavut Nunavut Kavamanga kavamatuqaitlu havaagiyaaptingni piumayaitnik Nunavunmiut, puiguqunggiplugitlu havalimaittut avaliiittumik Inuit ihumagiyaitnik,” uqaqtuq Kaludjak.

Ilauyut anggiqatiriiktaatlu piumayauyuq maniit aturarhaitnik uqiugatnut 2010/11. \$41 miliantaala maniit atuqtakhaitnik maningnik ikayuutigivaqtait NTI kut, RIA kut, Inuit Ingilraangnitanik Maniit Tutkuumaviatni huliitjutikhamingnik talvani uqiuganni 2010/11 mi.

NTI Aulatjutikhait Uqiuganni 2010-2011	\$ 20,771,447
Kitikmeot Inuit Katimayiinga	\$ 4,479,276
Kivalliq Inuit Katimayiinga	\$ 3,926,106
Qikiqtani Inuit Katimayiinga	\$ 5,086,476
Inuit Ingilraangnitanik Maniit Tutkuumavia	\$ 1,071,547
Nunatarnikkut Ilauyut Ikayuutikhait Pangnaiyautaa	\$ 900,000
Nunallaani Havaktiit – QIA	\$ 1,390,461
- KivIA	\$ 707,430
- KitIA	\$ 456,335
Aaallat Maningnik Atuqtauyumayuyut	\$2,579,572

ATTAUTIMUT MANIIT ATUQTAUYUMAYUT NUNAVUT
TUTKUUMAVIANIT \$ 41,368,649

AGM ilauyumavikhaat anggiktaatlu qunggiaqtauhimayuq maniit atuqtamingnik titiqangga aipaagani qungiaginnarialrit talvani 2009 NTI kut Uqiuk Tamaat Titiraanni uumani www.tungavik.com.

-30-

Naunaittiagumaguvit takulugu:

Kerry McCluskey
Associate Director of Communications
Nunavut Tunngavik Incorporated
Hivayautaa: (867) 975-4914
Hivayaut akiittuq: 1-888-646-0006
kmclluskey@tungavik.com

www.tunngavik.com